



## PERMOHONAN PINJAMAN PTPTN

1. Permohonan pinjaman PTPTN terbuka kepada semua pelajar yang mengikuti pengajian peringkat Diploma, Ijazah Pertama, Ijazah Sarjana, Doktor Falsafah dan beberapa Kursus Profesional samada secara sepenuh atau separuh masa.
2. Pelajar **Lepasan Diploma/ Ijazah Pertama/ Ijazah Sarjana** yang pernah mendapat pinjaman PTPTN dan ingin memohon semula pinjaman untuk peringkat pengajian yang lebih tinggi **mesti mengemukakan Surat Penangguhan Bayaran Balik pinjaman yang diperolehi semasa pengajian terdahulu**. Pelajar boleh memuat turun surat penangguhan bayaran balik dari laman web PTPTN <http://www.ptptn.gov.my>.
3. Pelajar yang telah mendapat pinjaman PTPTN untuk pengajian terdahulu tetapi gagal menamatkan pengajian atau mendapat penaja lain boleh memohon pinjaman kali kedua untuk meneruskan pengajian mereka setelah kesemua hutang pinjaman terdahulu diselesaikan.

## SYARAT-SYARAT PERMOHONAN PINJAMAN

Pelajar layak memohon pinjaman pendidikan sekiranya memenuhi syarat-syarat berikut :-

- (i) Warganegara Malaysia;
- (ii) Berumur tidak melebihi 45 tahun semasa memohon;
- (iii) Lulus Sijil Pelajaran Malaysia dengan sekurang-kurangnya 3 kepujian dalam mana-mana matapelajaran;
- (iv) Lulus SPM bagi pelajar lepasan Sijil Kolej Komuniti dan Diploma Politeknik dengan syarat memperoleh CGPA 3.0 dan ke atas;
- (v) Bagi pelajar-pelajar IPTA/IPTS/Politeknik, mereka hendaklah telah mendaftar untuk mengikuti kursus yang telah diluluskan oleh Jabatan Pengurusan IPT (IPTA/IPTS)/ Jabatan Pengurusan Politeknik dan Kolej Komuniti, Kementerian Pengajian Tinggi.
- (vi) Bagi pelajar-pelajar IPTS, kursus yang diikuti mestilah telah mendapat Sijil Perakuan Akreditasi daripada Agensi Kelayakan Malaysia (MQA).

- (vii) Bagi pelajar yang mempunyai kelayakan yang berbeza daripada yang disyaratkan, pengesahan bahawa kelayakan tersebut setaraf dengan kelayakan yang disyaratkan hendaklah diperolehi daripada jabatan atau agensi sebagaimana dinyatakan di perenggan (v) di atas.
- (viii) Tiada penaja lain.
- (ix) Baki tempoh pengajian semasa memohon tidak kurang dari satu tahun.
- (x) Pinjaman pendidikan PTPTN memerlukan 2 penjamin yang terdiri daripada ibu dan bapa pemohon/peminjam.
- (xi) Mulai 1 Januari 2008, pemohon/ibubapa pemohon/penjaga pemohon yang sah hendaklah mempunyai akaun SSPN
- (xii) Syarat-syarat kelayakan lain yang ditetapkan oleh PTPTN dari semasa ke semasa.

#### **DOKUMEN SOKONGAN YANG PERLU DISERTAKAN SEMASA MEMOHON PINJAMAN**

- (i) Salinan Kad Pengenalan Pemohon (salinan muka depan dan belakang kad pengenalan pada satu helaian yang sama)
- (ii) Salinan Sijil Pelajaran Malaysia (SPM)  
(salinan transkrip keputusan peperiksaan SPM hanya diterima jika tahun peperiksaan tidak melebihi tempoh DUA TAHUN dari tahun pinjaman PTPTN dibuat)
- (iii) Salinan Surat Tawaran daripada IPT
- (iv) Salinan transkrip keputusan peperiksaan atau sijil kelayakan masuk lain.  
(contoh: STPM/ Diploma/ Matrikulasi/ Ijazah Sarjana Muda/ Ijazah Sarjana (Master) (surat pengesahan tamat pengajian dari IPT perlu disertakan jika pemohon belum menerima sijil dan tiada pengesahan tamat pada transkrip peperiksaan)
- (v) Salinan buku/penyata nombor akaun persendirian mengikut bank yang telah ditetapkan oleh IPT masing-masing
- (vi) Salinan slip gaji atau Kad Pesara Kerajaan atau Borang Pengesahan Pendapatan (EA/EC) atau Borang Pengesahan Pendapatan Ibu Bapa / Penjaga dan Pasangan Penjaga / Pemohon dan Pasangan; borang cukai pendapatan/ surat pengesahan pendapatan /kad pesara ibu/bapa/penjaga

- (vii) Salinan Surat Pengesahan / Surat Akuan daripada Jabatan Kebajikan Masyarakat / Pusat Zakat, sekiranya pemohon / ibu / bapa / penjaga merupakan penerima bantuan bulanan dari agensi berkenaan;
- (viii) Salinan Kad keahlian SSPN/ slip deposit SSPN/ penyata akaun SSPN/ cetakan penyata akaun SSPN dari laman web PTPTN;
- (ix) Salinan Kad Pengenalan ibu dan bapa kandung pemohon (salinan muka depan dan belakang kad pengenalan pada satu helaian yang sama)
- (x) Salinan Sijil Kematian/ Akuan Sumpah sekiranya ibu atau bapa kandung meninggal dunia atau tidak dapat dikesan

Bagi pelajar yang mengemukakan permohonan pada semester 2 dan ke atas, tambahan dokumen sokongan berikut diperlukan:

- (i) Surat pengesahan masih belajar dari IPT; dan
- (ii) Salinan keputusan peperiksaan setiap semester sebelumnya.

(Setiap dokumen sokongan hendaklah difotostat dengan menggunakan kertas bersaiz A4 dan disahkan oleh pegawai yang layak.)

### **PEGAWAI YANG LAYAK MENGESAHKAN DOKUMEN**

Pengesahan hanya boleh dibuat sama ada oleh Wakil Rakyat, Pegawai Kerajaan Kumpulan Pengurusan dan Profesional, Pengamal Undang-undang, Pesuruhjaya Sumpah, Jaksa Pendamai, Pengetua, Guru Besar Sekolah (Sekolah Kerajaan Sahaja), Pegawai Polis berpangkat ASP ke atas, Pegawai Tentera Berpangkat Kapten atau setaraf dan ke atas, Penghulu, Ketua Kampung, Penggawa, Tuai Rumah, Ketua Kaum atau Mukim yang Bertauliah)

### **KEPERLUAN SETEM HASIL BAGI DOKUMEN JAMINAN**

Pelajar-pelajar dikehendaki menyediakan Setem Hasil bernilai RM10 setiap satu untuk dilekatkan pada empat (4) salinan asal dokumen perjanjian (bergantung kepada jumlah penjamin).

### **KAEDAH PERMOHONAN PINJAMAN**

Maklumat mengenai kaedah permohonan pinjaman PTPTN bolehlah didapati daripada laman web PTPTN <http://www.ptptn.gov.my> bermula 1hb Jun 2008.